

ՔՐԻՍՏԻՆԱ ԱՅՎԱԶՅԱՆ

ՀԱԻ

ՍԿՐՏՈՒԹՅԱՆ ՄԵՍԸ ԺԹ. ԴԱՐԱՎԵՐՋԻ ԵՎ Ի. ԴԱՐԱՍԿԶԲԻ
ԲԱՆԱՅՈՒՄԱԿԱՆ ԵՎ ԱԶԳԱՐԱԿԱՆ ՆՅՈՒԹԵՐՈՒՄ

Սկրտությունը խորհուրդ է, որով քրիստոնյան Հիսուս Քրիստոսի հետ մեռնում է եւ նոր կյանքով հարություն առնում¹: Ծիսական այս լվացումը խորհրդանշում է մարդու երկրորդ ծնունդը²: Դրանով է պայմանավորված մկրտության ավագանի ընկալումը միաժամանակ իբրեւ գերեզմանափոս եւ մայրական արգանդ³:

Մկրտությունը մեղսաքավիչ նշանակություն ունի⁴: Ահա թե ինչու քրիստոնյաների սովորությունն էր մկրտությունից հետո ճերմակ զգեստ հագնել՝ «ի նշան մաքրութեան հոգւոյ»⁵: Ըստ Ագաթանգեղոսի՝ Ս. Գրիգոր Լուսավորչի կողմից Եփրատ գետում մկրտվածները եւս սպիտակ զգեստներ են հագնում. «Եւ անտի ելեալ մեծաւ ցնծութեամբ եւ սպիտակազգեստ հանդերձիւք... լուսաւորեալք եւ հրեշտակացեալք»⁶:

Ժողովրդական խոսքում առավել կիրառական է այս ծեսի «կնունք» անվանումը, մինչդեռ եկեղեցական լեզվում՝ մկրտությունը: Այն կնունք է անվանվում ծիսական լվացումից հետո կատարվող դրոշմի՝ խորհրդակատարության չնորհիվ, որի ժամանակ մարմնի ինը մասերն օծվում են մյուռոնով: Սրբազան այս յուզը «նյութական միջնորդ է՝ ի զորու աստ-

¹ Տե՛ս Հռոմեացիներ Զ. 3-11. Ա. Եպս. Ժամկոչյան, Գ. սրկ. Ղուշյան, Մկրտություն. «Տարեգիրք», Աստվածաբանության ֆակուլտետ, 2007, Բ., էջ 28-45:

² Տե՛ս Ս. **Аверинцев**, Вода. «Мифы народов мира», т. 1, Москва, 1987, с. 240:

³ Տե՛ս **М. Элиаде**, Тайные общества. Обряды инициации и посвящения, Москва, 2002, с. 301:

⁴ Արիստականների աղանդին հարած Վաղես կայսերը Ս. Ներսես Մեծը հորդորում է. «Մկրտեաց դու ի տոյն յայս խորհուրդս սբանչելի կենաց թողութեան եւ նորոգութեան. զմանուկն քո այսմ սրբութեանն երանութեան լուսոյ թողութեան մկրտութեանն արժանի արասցուք» («Փաւստոսի Բիւզանդացոյ Պատմութիւն Հայոց», Երեւան, 1987, էջ 128):

⁵ «Պատմութիւն իին հայ տարագին», յօրինեց Վ. Վ. **Հաղունի**, Վենետիկ-Ս. Ղազար, 1923, էջ 295:

⁶ «Ագաթանգեղայ Պատմութիւն Հայոց», Երեւան, 1983, էջ 464:

վածային հոգին ու շնորհը ներգործական դարձնելու մարդկանց եւ իրերի վրա»⁷: Այն ունի նաեւ նվիրագործող (ինիցիացիոն) նշանակություն⁸:

Հոգևածի նպատակն է վեր հանել ԺԹ. դարավերջին եւ Ի. դարասկզբին հայ բանահյուսության եւ ազգագրության մեջ արտացոլված մկրտության ծեսը եւ դրա ժողովրդական իմաստաբանական ընկալումները:

Հայոց մեջ կնունքը կազմում էր տղաբերքի⁹ քառասունօրյա ողջ ծիսաշարային համալիրի անքակտելի մասը: Սովորաբար նորածին երեխաներին ութ օրականում մկրտում էին¹⁰: Մկրտությունն ու քառասունքը երեխայի հասարակական ճանաչման խորհուրդն ունեին¹¹: «Էրեխայ բերես՝ չկնքած մեռնի» անեծքով¹² երեւան է գալիս ժողովրդի կողմից մկրտությանը տրվող կարեւորությունը¹³:

Գորիսի Տեղ գյուղի, ներկայումս Տավուշի մարզի Լուսաձոր գյուղի բնակչուհի Սոնիկ Զեյնալյանը մեզ պատմեց, որ իր նորածին եղբոր մահից հետո տատը երազում տեսել է հանգուցյալ պապին: Վերջինս հարցրել է նրան, թե ինչու նորածինն չեն կնքել, որ եկել է իր մոտ, բայց չի կարողանում բարձրանալ խնկի ծառը¹⁴: Խնկենին տվյալ դեպքում միջին

⁷ Ա. Ժամկոչյան, Ն. Հակոբյան, Մեռնամաններ սուրբ Գեորգի պատկերով. «Հայոց սրբերը եւ սրբավայրերը», Երեւան, 2001, էջ 322:

⁸ Անդ:

⁹ Տղաբերք – ծննդաբերություն, որդեծնություն:

¹⁰ Հրահանգվում էր ութ օրականում մկրտվել «Առաքելական» ԺԳ. կանոնով («Կանոնագիրք Հայոց», Ա., աշխատասիրությամբ Վ. Հակոբյանի, Երեւան, 1964, էջ 35-37), Նեոկեսարիայի ժողովի ԺԶ կանոնով (անդ, էջ 186), ինչպես նաեւ Գեորգ Դ. կաթողիկոսի (1813-1882 թթ.) կոնդակով (Ն. վրդ. Մելիք-Թանգյան, Հայոց եկեղեցական իրավունքը, Ս. Էջմիածին, 2011, էջ 526):

¹¹ Տեն Ռ. Նահապետյան, Ազգագրական տեղեկությունները Փավստոս Բուզանդի «Հայոց պատմություն» երկում, Երեւան, 2013, էջ 40-41:

¹² «Հայ ժողովրդական ավանդութիւններ», ժողովածու Տ. Նաւասարդեանց, գիրք Ա., Թիֆլիս, 1883, էջ 6:

¹³ Քրիստոսի Ծննդյան եւ Մկրտության ժողովրդական տոնակատարությունը խափանելու համար բոլշեիկյան իշխանությունները 1920-1930 թթ. կազմակերպում էին «Կարմիր կնունք» եւ «Կոմսոմոլի ծնունդը» անվանումներով միջոցառումներ: Կարմիր կնունքի ժամանակ ակումբներում, թատրոններում եւ դպրոցներում ընթերցվում էին հակակրոնական բնույթի զեկուցումներ, դասախոսություններ: Այնուհետեւ ինտերնացիոնալի ուղեկցությամբ կատարվում էր երեխաների կարմիր մկրտությունը: Ծնողներն իրենց երեխաներին հանձնում էին միջոցառումների կազմակերպիչներին: Յուրաքանչյուր երեխա ունենում էր իր «կնքահայրը», որի պարտականությունն էր «սանիկին» տալ «հեղափոխական ոգի եւ կոմունիստական առողջ դաստիարակություն»: «Կնքված» երեխաները ստանում էին հեղափոխական գործիչների եւ այլ անուններ (Լենին, Ստալին, Մայիսկա), որոնք արձանագրվում էին հատուկ մատյաններում (Ս. Մկրտչյան, Հայոց տոնածիսական մշակույթ, Երեւան, 2016, էջ 164): Խորհրդային տարիներին քիչ չէին նաեւ այն դեպքերը, երբ մարդիկ գաղտնի էին մկրտվում:

¹⁴ Ք. Այվազյան, Դաշտային բանահյուսական-ազգագրական նյութեր, Տավուշի մարզ, գ.

եւ վերին աշխարհները միացնող Տիեզերական ծառն է, ինչպես նաեւ դեպի «Աստծո ղուռը»՝ վերին աշխարհ տանող կամուրջը¹⁵:

Մկրտությունն նշանակությունը երեւում է նաեւ հայկական ժողովրդական հեքիաթներում: Դեմաշենից գրառված «Հուսերին փայլեւանի ու Սուսամբարի խնչըթը»¹⁶ հեքիաթում որոշում են երեխային կնքել. «Մա՛րթ, բե մեր Սուսամբարին կնքենք, հո էս էլ սարի գլուխը չի՞», էրեխեն հընչի անկնունք մնա»¹⁷: «Տատ ու պետատ» հեքիաթում¹⁸ արտահայտվում է մարդկանց անհանգստությունը երեխայի կնքելու առնչությամբ, եւ հարեւանները որոշում են նախաձեռնել անհայր երեխայի կնունքը. «Անտեր տղա ի, խայ քրիստոնյա ի, չըլնի մեռնի անկնունք»¹⁹: «Կափուել հրեշտակի նաղըլը» հեքիաթում²⁰, երբ ամուսինը բավական փող է վաստակում, կինն առաջարկում է երեխային կնքել, «յախիցն ա կըպնըմ, թա մեր խոխան օխտը տրեկան ա, համա սուրփի մեռնոյ մըկըրտված չի, դե որ էսքան փող ես ախշադել պեր մհիկ կնքենք»²¹:

Հայտնի է, որ հայոց տարբեր ազգագրագետներում մկրտությունը կատարում էին երեխայի ծննդյան քառասունօրյա անցումային շրջանում: Վասպուրականում երեխային կնքում էին ծննդից երեք-ութ օր հետո²², Մուշում՝ ծննդյան առաջին շաբաթվա ընթացքում, ոչ ավելի ուշ²³, Նոր Նախիջեւանում՝ երկու-երեք օր հետո²⁴, Եվդոկիայում եւ Կեսարիայում՝ 8-10 օրականում²⁵, Արճակում՝ «ութ-տասը օր հետո»²⁶: Մուսա լեռում

Լուսաձոր, 2015 թ., տետր 1, թ. 36:

¹⁵ Տե՛ս **К. Королев**, Энциклопедия символов, знаков, эмблем, Москва, Санкт-Петербург, 2003, с. 321. **Լ. Սիմոնյան**, Տոմարային ծիսաշար, հ. 1, Տոմար, Նոր տարի, Սուրբ Ծնունդ, Երեւան, 2006, էջ 122, 126:

¹⁶ ՀՀ ԳԱԱ Հնագիտության եւ ազգագրության ինստիտուտի բանախյուսական արխիվ, **Գ. Ստեփանյանի** ֆոնդ, FFXI:3259-3270:

¹⁷ Անդ, FFXI:3263:

¹⁸ Հայ ժողովրդական հեքիաթներ (այսուհետեւ՝ ՀԺՀ), հ. XVI, թ. 42, Երեւան, 2009, էջ 269-278:

¹⁹ Անդ, էջ 270:

²⁰ ՀՀ ԳԱԱ Հնագիտության եւ ազգագրության ինստիտուտի բանախյուսական արխիվ, **Մ. Ավյանի** ֆոնդ, FFXI:3693-3703:

²¹ Անդ, թ. 3694:

²² Տե՛ս **Ե. Լալայեան**, Վասպուրական. ԱՀ, գիրք XX, Թիֆլիս, 1910, էջ 175:

²³ Տե՛ս **Ե. Լալայեան**, Մուշ-Տարօն. ԱՀ, գիրք XXVI, Թիֆլիս, 1916, էջ 179:

²⁴ Տե՛ս **Ե. Շահագիզ**, Նոր-Նախիջեւանը եւ Նոր-Նախիջեւանցիք. ԱՀ, VII եւ VIII գրքեր, Թիֆլիս, 1901, էջ 98:

²⁵ Տե՛ս «Պատմութիւն Եւդոկիոյ Հայոց», համադրուած **Ար. Ալաօյանճեանէ**, Գահիրէ, 1952, էջ 1514. «Պատմութիւն հայ Կեսարիոյ». Տեղագրական, պատմական եւ ազգագրական ուսումնասիրութիւն **Ա. Ալաօյանճեանէ**, Գահիրէ, 1937, էջ 1734:

²⁶ Տե՛ս «Հայ ազգագրություն եւ բանախյուսություն» (այսուհետեւ՝ ՀԱԲ), հ. 8, Արճակ, **Ա.Ավագյան (Սերինե)**, Երեւան, 1978, էջ 73:

երեխայի ծննդյան յոթերորդ օրը պատրաստվում էին մկրտությունը: Կնքահոր տանը հյուրընկալվելով՝ որոշում էին կնույնքի օրը²⁷: Ղարադաղում հայ քրիստոնյան պարտավոր էր «մեռնել» (մկրտել) երեխային ծնվելու յոթերորդ օրը կամ մինչեւ քառասունքը լրանալը²⁸: Հավատարմվ Աստծո եւ մյուսոնի գերբնական զորությունը՝ Կիլիկիայի հայերը մինչեւ երեխայի քառասունքը մկրտում էին նրան, նամանավանդ եթե երեխան թուլակազմ էր կամ հիվանդ²⁹: Բուլանըխում, ընդհակառակը, տկարներին կարող էին չկնքել, իսկ սովորական պայմաններում յոթ օրից ավել երեխային անկնույնք չէին թողնում, քանի որ չկնքվածը անսուրբ էր համարվում³⁰: Սասունում եւ Ղզլարում նույնպես երեխան համարվում էր անմաքուր, նույնիսկ հայրը նրան չէր մոտենում, գրկում, մինչեւ մկրտվելը³¹: Եվդոկիայում չկնքված երեխային չէին համբուրում՝ համարելով նրան հեթանոս. «Նորածինը հեթանոս կը նկատվին եւ մկրտութենէն առաջ երբէք չէին համբուրէր: Երբ այս արարողութիւնը կատարուի եւ մանուկին զգայարանքները միւսոնով օծուին եւ մարմինը ջուրը խոթուի, մինչեւ ծիսակատար քահանան մանուկին գլուխը ջուր լեցնէ, այն ատեն եւ միայն այն ատեն է որ անոր հոգին կորուստի վտանգէն զերծ կը նկատուի եւ միայն այն ատեն է, որ անոր ազգականներն ու բարեկամները իրենց սէրը կարտահայտեն»³²:

Առայսօր կենցաղավարում է այն սովորույթը, որ ընտանիքի անդամներին մեկի մահվան դեպքում ընտանիքի մյուս չմկրտված անդամները մկրտվում են³³, որի արձագանքը տեսնում ենք Լուսիա հեքիաթում. «Աշխարհն էլ մասնակցում ա նրա ուրախութեանն էլ, տխրութեանն էլ, կատարում են թոռի կնույնքը, պապի՝ թաղումեքը»³⁴:

Սասունում մկրտության ժամանակ մկրտվողին բարեմաղթում էին՝ «Կանչնաս», «տեղդ կանաչի», որ նշանակում էր «սերնդով ապահովես»

²⁷ Տե՛ս Գ. Գյոզալյան, Մուսա լեռան ազգագրությունը, Երեւան, 2001, էջ 172:

²⁸ Տե՛ս Հ. Հովսեփյան, Ղարադաղի հայերը, I, Ազգագրություն, Երեւան, 2009, էջ 341:

²⁹ Տե՛ս Վ. Սվազլյան, Աստվածաշնչային գաղափարների արտացոլումը կիլիկյան բանահյուսության մեջ. ՊԲՀ, 2004, 3, էջ 52:

³⁰ Տե՛ս Բենսէ, Բուլանըխ կամ Հարք գաւառ. «Ազգագրական հանդէս», գիրք Ե., Թիֆլիս, 1899, էջ 126:

³¹ Տե՛ս Վ. Պետոյան, Սասնա ազգագրությունը, Երեւան, 1965, էջ 275. ՀԱԲ, հ. 10, Ղզլար. Գ. Գեւորգյան, Երեւան, 1980, էջ 52-53:

³² «Պատմութիւն Եդոկիոյ Հայոց», համադրուած Ար. Ալպոյաճեանէ, էջ 1514:

³³ Ք. Այվազյան, Դաշտային բանահյուսական-ազգագրական նյութեր, ասացող՝ Տ. Վահան քին. Առաքելյան, Թիֆլիս, 04.04.2010 թ., ասացող՝ Քնարիկ Խաչատրյան, Երեւան, 26.08.2015 թ.:

³⁴ ՀԺՀ, հ. VIII, (Գուգարք-Լոռի), թ. 98, «Ժուժկալ թագուիին ու իր երեք տղի հեքիաթը», Երեւան, 1977, էջ 593:

օջախը»³⁵: Ժողովուրդը ցայսօր օգտագործում է «Մյուռոնը միշտ կանաչ լինի» օրհնանքը: Կանաչը խորհրդանշում է հարատևելությունն ու մշտագալարությունը: Մյուռոնի գլխավոր բաղադրատարրը՝ ձիթայուղը, կանաչավուն է, որի համար էլ ժողովրդական խոսքում տարածված է «կանաչ մեռոն» արտահայտությունը³⁶: Չահարմահալում գործածվում էր «էն կանանչ մեռոնը» երգման բանաձևեր³⁷: Իսկ «Մեռոնի օրհնությունը խիզնիդ»³⁸ յարեւին ընի»³⁹ եւ «Կանանչ մեռոնի շնորհքը տան ու տեղիդ վրա ընի»⁴⁰ բարեմաղթություններում ընկած է մյուռոնի օրհնությունը ողջ ընտանիքի եւ տան վրա տարածվելու ցանկությունը:

Ղարադաղում մկրտելիս քահանան մյուռոնը քսում էր երեխայի բերանին՝ ասելով՝ «լինես բարեխոս», աչքերին՝ «լինես բարետես», ճակատին՝ «լինես բարի մտածող», ականջներին՝ «լինես բարին լսող», սրտին՝ «լինես բարեսիրտ», ձեռքերին՝ «լինես բարեգործ», ոտքերին՝ «լինես բարեքայ», պորտին՝ «լինես բարի ծնունդ», թիկունքին՝ «թիկունքդ միշտ ամուր լինի»⁴¹:

Մկրտությունը, լինելով տղաբերքի քառասնօրյա շրջանի անբաժան մասը, երեխայի ծննդյան հետ միասին անցումային ծես է՝ «անցում մի աշխարհից մյուսը, մի վիճակից՝ մյուսը»⁴²: Մկրտությունը, ինչպես ամուսնությունն ու մահվան պարագաներում է, մարդու կյանքի կարեւոր շրջափուլերից մեկի՝ ծննդյան ժամանակ կատարվող ծիսական լվացումն է⁴³ եւ ոչ միայն: Նրանով նորածինը կարծես նվիրագործվում է⁴⁴ թաղվելով ջրի մեջ եւ հարություն առնելով նոր կարգավիճակով:

Մկրտությունը դարման էր հանդիսանում զանազան հիվանդությունների դեպքում: Ինչպես նշում է պատմահայր Մովսես Խորենացին, Կոստանդինոս կայսրը բորոտությունից բժշկվում է՝ կենսատու ավազանում

³⁵ Վ. Պետոյան, Սասնա ազգագրությունը, էջ 278:

³⁶ Զ. վրդ. Բաղումյան, 200 հարց Ս. Մկրտության մասին, Երեւան, 2016, էջ 246:

³⁷ Ա. Երեմեան, Չահարմահալի հայ ժողովրդական բանահիւսութիւնը, Վիեննա, 1923, էջ 68:

³⁸ Խիզան - ընտանիք:

³⁹ Ա. Երեմեան, նշվ. աշխ., էջ 64:

⁴⁰ ԷԱԺ, հ. Ա., Փշրանք Շիրակի ամբարներից, հաւաքեց Աղ. Մխիթարեանց, Մոսկուա-Ալեքսանդրապոլ, 1901, էջ 130:

⁴¹ Հ. Հովսեփյան, Ղարադաղի հայերը, Ա., Ազգագրություն, էջ 341:

⁴² Գ. Ստեփանյան, Հայոց տոնական վարքային համակարգը (ըստ ԺԹ. Դարի վերջի եւ Ի. դարի սկզբի ազգագրական նյութերի), թեկն. ատենախոս., Երեւան, 2007, էջ 122:

⁴³ Տե՛ս Ա. Ստեփանյան, Ծիսական լվացումները հայոց կենցաղում. «Նոր ազգագրական հանդես», 2005, Ա., էջ 21-27:

⁴⁴ Նվիրագործման մասին տե՛ս Գ. Левинтон, Инициация и мифы, «Мифы народов мира», т. 1, Москва, 1987, с. 543-544:

լվացվելով⁴⁵: Մյուսոսնին վերագրվել են բազմաթիվ բուժիչ հատկություններ: «Խիղճ-անխիղճ մարդը» հեքիաթում⁴⁶ աղջկա հանված աչքերը տեղադրվում են մյուսոսնի միջոցով. «Աչքերը հանում, տալիս ա պառավին, պառավը տալիս ա տերտերին, սա լվանում ա մեռնող, մեռն ա քսում, դնում տեղը, դառնում ա առաջվա աղջիկը»⁴⁷: Հեքիաթի մյուս տարբերակներում աչքերը աղբյուրի ջրով եւ աղավնիների փետուրով են լվանում⁴⁸, ոսկով⁴⁹, աղջկա ծիծաղից թափված վարդ ու ռեհանով⁵⁰, կամ ուղղակի դրվում են իրենց տեղերը⁵¹: ԺԹ. դարում ամուլ կանայք փորձում էին ձեռք բերել մկրտության ավագանի ջրից եւ խմել, կամ քահանան մեռնաջրից կաթեցնում էր չբեր կանանց պարանոցին⁵²: Որդեծնության արժանանալու մյուս միջոցներից մեկն էլ նոր մկրտված մանկանը համբուրելն էր⁵³: Սասունում կնուների մյուսոսնաջրով, օրհնած եւ մեռնած ջրերով նաեւ լողացնում էին հիվանդներին կամ ջուրը քսում նրանց մարմնին⁵⁴: Հանդիպում է նաեւ հակառակ իրողությունը, երբ ատամնացավից ազատվելու համար համբուրում էին դեռեւս անկունք երեխային⁵⁵:

Ծննդկանը մինչեւ երեխայի կնունքը համարվում էր անմաքուր, եւ նրա սպասքը առանձնացվում էր: Հայ ժողովրդական «Խիղճ-անխիղճ մարդը» հեքիաթում⁵⁶ ծննդկանը մտահոգվում է «հարամ մնալու» եւ «չհալալվելու» համար. «Աստված Զա՛ն, երեխայիս քառասունքը էսօր-է-գուց կթամամի, մենք էլ էսպես հարամ պիտի մնանք»⁵⁷: Արջի կերպա-

⁴⁵ Տե՛ս Մովսէս Խորենացի, Պատմութիւն Հայոց, Քննական քնագիրը եւ ներածութիւնը Մ. Աբեղեանի եւ Ս. Յարութիւնեանի, Երեւան, 1991, էջ 227: Աստվածայինի, գերբնականի, հնայության եւ աղոթքի ազդեցությամբ սովորական ջուրը դառնում է սրբազան եւ բուժիչ (տե՛ս В. Тэрнер, Символ и ритуал, Москва, 1983, с. 144):

⁴⁶ ՀԺՀ, հ. VIII Գուգարք (Լոռի), թ. 112, Երեւան, 1977, էջ 651-669:

⁴⁷ Անդ, էջ 666:

⁴⁸ ՀԺՀ, հ. I Այրարատ, թ. 26 «Վարդիթեր», Երեւան, 1959, էջ 355-367. ՀԺՀ, հ. VIII Գուգարք (Լոռի), № 53 «Չար կեսուրը», Երեւան, 1977, էջ 358-361:

⁴⁹ ՀԺՀ, հ. XVII, Մոկս, թ. 42 «Նախըրչու ախչիկ», Երեւան, 2012, էջ 391-398:

⁵⁰ ՀԺՀ, հ. XVI, Վան-Վասպուրական, թ. 9, «Սուրբ Սարգիս», Երեւան, 2009, էջ 59-63:

⁵¹ ՀԺՀ, հ. V, Արցախ, թ. 4 «Պիրանան վարթ, մանիշակ թափվող ախճիզը», Երեւան, 1966, էջ 41-48. ՀԱԲ հ. 20, Թ. Գեւորգյան, թ. 6 «Աչքերը հանած աղջիկը», Երեւան, 1999, էջ 34-38:

⁵² Տե՛ս «Նախապաշարմունք», հ. Ա., աշխատասիրեց Յ. Նազարեանց, Տփլիս, 1878, էջ 32:

⁵³ Տե՛ս անդ:

⁵⁴ Տե՛ս Վ. Պետոյան, նշվ. աշխ., էջ 331:

⁵⁵ Տե՛ս «Նախապաշարմունք», հ. Ա., աշխատասիրեց Յ. Նազարեանց, էջ 39:

⁵⁶ Տե՛ս ՀԺՀ, հ. VIII, թ. 112, Երեւան, 1977, էջ 651-669:

⁵⁷ Անդ, էջ 653: Նույն միտքն է արտահայտվում նաեւ վերոհիշյալ հեքիաթի փոփոխակ հանդիսացող «Վարդիթեր» հեքիաթում. «Ա՛խ, Աստված, բա ես ո՛նց անեմ, քավորը

րանքով հրեշտակը քահանա եւ քավոր է բերում. «Գալիս ա, ասըմ ա. - Ազիզ քոյր, տեր հայրը եկել ա, հիմի քեզ հալալություն կտանք: Տերտերը փարաջեն հաքավ, երեխային դրեցին տաշտի մեջ, ինչ-որ մի բան լցրին ջուրը, երեխային լողացրին, ջրից հանեցին, դրին քավորի կոնների վրա ու սկսեցին օխնել»⁵⁸:

Թե՛ ծննդկանը եւ թե՛ նորածինը համարվում էին անմաքուր, ուստի որոշակի արգելանքներ էին դրվում նրանց առջեւ: Երկուսն էլ ենթարկվում էին մեկուսացման, իսկ մկրտությունից հետո արդեն միանում էին հանրույթին⁵⁹, չնայած որ անցումային ողջ շրջանը նրանց համար տեւում էր քառասուն օր:

Ղզլարցիները հավատում էին, որ ալքերը⁶⁰ անկնունք երեխաներին կարող են գողանալ եւ վնաս հասցնել⁶¹: Սլավոնների մեջ եւս այն կարծիքը կար, որ չմկրտված երեխային հեշտությամբ աչքով կտան, եւ նա կարող է ենթարկվել անմաքուր գորության հարձակմանը⁶²: Չեխական ժողովրդական «Հորոշեկն ու Մոխրոտը» հեքիաթում⁶³ չար ոգիները աղջկան մորից գողացել էին եւ հմայել, երբ նա դեռ կնքված չէր: Նա իրավունք չուներ եկեղեցու շեմից ներս մտնել⁶⁴: Պսակից առաջ քահանան ասում է Մոխրոտին. «Մինչեւ հարսանիքը քեզ հարկավոր է կնքել: Դու սովորական մարդ ես, ինչպես բոլոր մարդիկ, բայց անկնունք ես: Իսկ դա կապ ունի գործի հետ. չէ՞ որ դու փախչում ես եկեղեցուց»⁶⁵:

Ծննդկանը նույնպես համարվում էր խոցելի՝ չար ոգիների կողմից: Արճակցիների պատկերացմամբ, թեպետ ծննդկանը երեխայի մկրտությունից հետո «մեռոնվում էր» եւ սատանաների հետապնդումից զերծ համարվում, սակայն երեխայի բարուրը, առանց խաչակնքվելու, առանց «Հիսուս Բրիստոս» ասելու, չէր վերցնում, չէր լողացնում⁶⁶: Լեռնային Ղարաբաղում ծննդկանը համարվում էր չարքերով համակված: Կնունքի

ըստեղ չի, իմ քահանեն ըստեղ չի, ես հնց անեմ իմ բալիկին հալալեմ, ջուրը քաշեմ» (ՀԺՀ, հ. 1, Այրարատ, թ. 26, Երեւան, 1959, էջ 357):

⁵⁸ Անդ, էջ 654:

⁵⁹ Տե՛ս **А. Ван Геннеп**, Обряды перехода. Систематическое изучение обрядов, Москва, 1999, с. 51-63:

⁶⁰ Իմա՛ չար ոգիներ:

⁶¹ Տե՛ս ՀԱԲ, հ. 10, Ղզլար, **Գ. Գեւորգյան**, էջ 66:

⁶² Տե՛ս **Г. Кабакова**, Дети некрещеные. «Славянские древности», Москва, с. 86:

⁶³ «Չեխական ժողովրդական հեքիաթներ», ռուսերենից թարգմանեց **Շ. Գրիգորյանը**, Երեւան, 1982, էջ 120-136:

⁶⁴ Տե՛ս անդ, էջ 128:

⁶⁵ Անդ, էջ 136:

⁶⁶ Տե՛ս ՀԱԲ, հ. 8, Արճակ, Ս.Ավագյան (Սերինե), էջ 88:

օրը տատմայրը կնքավագանից օծված ջուր էր բերում, որպեսզի, մինչեւ երեխային մորը հանձնելը, նա ձեռքերը լվանար եւ մաքուր ձեռքերով ընդուներ երեխային⁶⁷: Նոր Բայազետում, եթե նորածինը մահանում էր մինչեւ կնքվելը, ապա ծննդկանը անմաքուր էր համարվում մինչեւ հաջորդ ծննդաբերությունը, մինչեւ «մեռոն տուն մտնեք»⁶⁸: Ի տարբերություն մյուս ազգագավառների՝ համշենահայերը, ծննդկանին անմաքուր չէին համարում եւ ոչ էլ նրա ափսեւն զատում մյուսներից⁶⁹:

Կնուկքի ժամանակ տատմայրն իր առաքելությունն ուներ: Այրարատից գրառված «Վարդիթեր» հեքիաթը⁷⁰ մանրամասն թվում է մկրտության ծեսի մասնակիցներին. «Տատմերը ջուրը հագրեց, դոնդաղը քանդեց, քավորը խտրեց, տերտերը փուրվառ քցելով ջուրը քաշեց, մեռոնեց, անըմը դրեց Վարդիթեր: Բերին դրին մոր գիրկը»⁷¹:

Տատմայրն էր երեխայի շորերը փոխում՝ ջուրն ընկղմելուց առաջ եւ հետո⁷²: Մուշում եւ Կեսարիայում, օրինակ, տատմայրն ինքն էր մյուռոնից հանում երեխային⁷³. լվանում էր նրա՝ մյուռոն քսված մասերը, հետո լողացնում: Նոր Բայազետում մյուռոնից հանելիս քահանայի մասնակցությունը պարտադիր էր, որն աստիճանաբար վերացել էր⁷⁴: Կնուկքից հետո տատմայրն ու ծննդկանը համարվում էին մաքրված:

Բուլանըխում տատմայրը մկրտված երեխային բերում էր, դնում մոր կողքին՝ մաղի վրա⁷⁵, Մուշում՝ մոր կողքին դրված մկրատի կամ դանակի⁷⁶ վրա շուռ տված մաղի վրա, որտեղ երեխան մի քանի ժամ մնում էր⁷⁷: Երբեմն նույնիսկ կնքահոր բացակայության դեպքում երեխային դնում էին ալյուրի մաղի վրա եւ ծեսը կատարում. սույն պարագայում «քավորին փոխարինում էր» ալյուրի մաղը⁷⁸: Ըստ Բենսեի՝ մաղը ոմանք կապում են

⁶⁷ Տե՛ս ՀԱԲ, հ. 12, Ս. Լիսիցյան, Լեոնային Ղարաբաղի հայերը (ազգագրական ակնարկ), Երեւան, 1981, էջ 50:

⁶⁸ Ե. Լալայեան, Նոր-Բայազետի գաւառ կամ Գեղարքունիք, ԱՀ, գիրք XVI, Թիֆլիս, 1907, էջ 38:

⁶⁹ Տե՛ս Յ. Մուրադեանց, Համշէնցի հայեր, ԱՀ, գիրք Ե., էջ 364:

⁷⁰ Տե՛ս ՀԺՀ, հ. I Այրարատ, թ. 26, էջ 355-367:

⁷¹ Անդ., էջ 357:

⁷² Տե՛ս Գ. Գյոզալյան, Մուսա լեռան ազգագրությունը, Երեւան, 2001, էջ 172-173:

⁷³ Տե՛ս «Պատմութիւն հայ Կեսարիոյ», Տեղագրական, պատմական եւ ազգագրական ուսումնասիրութիւն Ար. Ալպոյաճեանէ, էջ 1734:

⁷⁴ Տե՛ս Ե. Լալայեան, Նոր-Բայազետի գաւառ կամ Գեղարքունիք, ԱՀ, գիրք XVI, էջ 41:

⁷⁵ Տե՛ս Բենսէ, Բուլանըխ կամ Հարք գաւառ. ԱՀ, գիրք Ե., էջ 126:

⁷⁶ Սուրսայր գործիքները համարվում են չարխափան:

⁷⁷ Տե՛ս Ե. Լալայեան, Մուշ-Տարօն. ԱՀ, գիրք XXVI, էջ 180:

⁷⁸ Տե՛ս Վ. Պետոյան, Սասնա ազգագրությունը, էջ 278:

մեռոնի սրբություն, ոմանք էլ՝ չարի ու բարու գոյություն հետ⁷⁹: Քանի որ քավորի կերպարը առնչվում է ընտանեկան օջախի ունեւորության եւ արգասաբերության պատկերացման հետ, եւ իր հերթին ալլամադն առատության եւ սրբության խորհրդանիշ է, հետեւաբար, պատահական չէ կնքահորը մաղով փոխարինելը⁸⁰: Մաղը միաժամանակ չար ուժերի համար այսրաշխարհ ներթափանցելու խոչընդոտ է, սահման⁸¹, ուստի գործածվում է մկրտության ժամանակ նույնպես, քանի որ մկրտությունն անցումային ծես է:

Կնունքի նարոտը նետելը մեղք էր համարվում⁸²: Դեռեւս Ժ.Դ. դարում Գրիգոր Տաթեւացին խոսում է երկգույն նարոտի մասին՝ սպիտակ եւ կարմիր՝ իբրեւ Քրիստոսի կողից բխած արյան եւ ջրի խորհուրդ⁸³: Ըստ Սահակ վրդ. Ամատունու՝ նարոտը եռագույն (կանաչ, կարմիր եւ սպիտակ) մետաքսյա թել է, որը մկրտության ժամանակ կապում են երեխայի վզին, իսկ պսակի ժամանակ՝ հարսի ու փեսայի վզին⁸⁴: Ժողովրդական պատկերացումներում մկրտության նարոտը գալիս զուգադրվում է հարսանեկան նարոտի հետ⁸⁵, քանի որ երկու դեպքում էլ օգտագործվում են կանաչ եւ կարմիր գույների թելերը: Կարմիրը կյանքի խորհրդանիշն էր, իսկ կանաչը՝ սերնդի շարունակություն⁸⁶: Այդ գույները մի կողմից չարխափան են, մյուս կողմից ապահովում են երկարակեցությունը⁸⁷:

Հայկական ժողովրդական հեքիաթներում արտացոլվել է այն իրողությունը, որ երեխային մկրտելու ժամանակ նաեւ անվանադրել են⁸⁸. «Տղին

⁷⁹ Տե՛ս **Բենսէ**, Բուլանլիկ կամ Հարթ գաւառ. ԱՀ, գիրք Ե., էջ 127:

⁸⁰ Տե՛ս **Ռ. Նահապետյան**, Աղծնիքահայերի մանկան ծննդի եւ խնամքի ավանդական սովորույթներն ու ծեսերը, Երեւան, 2011, էջ 98. Նույնի՝ Քավորը հայոց մեջ (ըստ աղծնիքահայերի ազգագրական տվյալների), ՊԲՀ, 2007, 1, էջ 127-128:

⁸¹ Տե՛ս **Գ. Շագոյան**, «Յոթ օր, յոթ գիշեր». Հայոց հարսանիքի համայնապատկեր, Երեւան, 2011, էջ 208. **Ս. Լիսիցյան**, Զանգեզուրի հայերը, Երեւան, 1969, էջ 203:

⁸² Տե՛ս **Վ. Բոլյան**, Հողաբերքի եւ տղաբերքի պաշտամունքը հայոց մեջ, թեկն. ատենախոսություն, Երեւան, 1947, էջ 256:

⁸³ Տե՛ս **Գրիգոր Տաթեւացի**, Գիրք հարցմանց, Կոստանդնուպոլիս, 1739, էջ 564:

⁸⁴ Տե՛ս «Հայոց բառ ու բան», աշխատասիրեց **Ս. վրդ. Ամատունի**, Վաղարշապատ, 1912, էջ 501:

⁸⁵ **Զ. վրդ. Բաղումյան**, 200 հարց Ս. Մկրտության մասին, էջ 203:

⁸⁶ Ա. Մուշեղյանը կանաչի ու կարմրի խորհուրդը մեկնում է՝ առնչակցելով դրանք կապ գցելու եւ կապ բանալու հետ, իսկ սպիտակը՝ հաշտության, փրկության եւ հավերժության (**Ա. Մուշեղյան**, Նարատի խորհուրդը եւ ստուգաբանությունը. «Հայ ժողովրդական մշակույթ», IX, Զեկուցումների հիմնադրույթներ, Երեւան, 1997, էջ 40):

⁸⁷ Տե՛ս **Վ. Բոլյան**, Հողաբերքի եւ տղաբերքի պաշտամունքը հայոց մեջ, էջ 262:

⁸⁸ Տե՛ս **Թ. Հայրապետյան**, Անվանադրության մշակույթը հայ ժողովրդական հեքիաթներում. «Հայ ժողովրդական մշակույթ XV», Ավանդականը եւ արդիականը հայոց մշակույթում, ՀՀ ԳԱԱ հնագիտության եւ ազգագրության ինստիտուտի 50-ամյակին նվիր-

մկրտեցին, անըմբ դրին Կարապետ»⁸⁹, կամ «Տերտերը էդ էրեխին մկրտում ա, անըմբ դնում ա Դավիթ, թաքավորն էլ ըլում ա քավոր»⁹⁰: Հոգեւորականից բացի՝ երեխային անուն էր տալիս նաեւ կնքահայրը: Հեքիաթներում կնքահայր դերվիշը ծննդից տարիններ անց գալիս է, անվանադրում սանիկին եւ ենթարկում նվիրագործման ծեսին⁹¹:

Հայոց մեջ քահանաները անուններ ընտրելիս⁹² սովորաբար դիմում էին եկեղեցական օրացույցի օգնութեանը՝ տվյալ օրվա սրբի անվամբ կոչելու մկրտվող երեխային, կամ էլ տատի ու պապի անուններով էին անվանվում երեխաները: Վասպուրականում, եթե երեխան համարվում էր սրբի տված, ապա նրան մկրտում էին այն սրբավայրում, որտեղ ուխտի էր գնացել նրա մայրը, եւ երեխային անվանակոչում էին Աստվածատուր, Քրիստոսատուր, Տիրատուր⁹³: Ուշագրավ է, որ հայկական անունների մեջ իրենց տեղն ունեն նաեւ Քրիստոսի երկրային տնօրինութեան հետ կապված ինչպես Գալուստ, Հարություն, Համբարձում, այնպես էլ Մկրտում⁹⁴ անունները: Մկրտումն այսօր այլեւս չի կիրառվում: Սակայն գործածական է մնում Մկրտիչ անունը, որը կապված է Քրիստոսին Հորդանանում մկրտող Հովհաննես Մկրտչի⁹⁵ անվան հետ:

Մկրտութեան ավագանի լվացմամբ երեխան հեռանում է այն անմաքուր աշխարհից, որում նախապես գտնվում էր, իսկ կնքվելով ներառվում է որոշակի սոցիումում (աղամական մեղքից մաքրվածներին): Տրվող կնքաճաշը⁹⁶ եւ նվերների փոխանակութունը նորածնի՝ ընտանիքի ան-

ված հոգվածների ժողովածու, Երեւան, 2010, էջ 574-586:

⁸⁹ ՀԺՀ, հ. I (Այրարատ), թ. 35, «Կարապետ-բեկի հեքիաթը», Երեւան, 1959, էջ 457:

⁹⁰ Անդ, թ. 21, «Դավթի հեքիաթը», էջ 297:

⁹¹ Հ. Յ. Ութերի հեքիաթների միջազգային համացույցում այդ հեքիաթախումբը թվանշված է ATU 303 եւ խորագրված «Երկվորյակներ կամ արյունակից եղբայրներ»:

⁹² Տե՛ս ՀԱԲ, հ. 10, Ղզար, Գ. Գետրոյան, էջ 53-54. ՀԱԲ, հ. 12, Լեռնային Ղարաբաղի հայերը, Ս. Լիսիցյան, Երեւան, 1981, էջ 50:

⁹³ Ե. Լալայեան, Վասպուրական. «Ազգագրական հանդէս», գիրք XX, էջ 163:

⁹⁴ Այս անվամբ հայտնի է նաեւ հայազգի նկարիչ Մկրտում Հովսեփյանը (1779-1846):

⁹⁵ Տու յոթն անուն ունես թամամ. // Առաճ անուն էր Մարգարա՝ // Մոր արգանդէն մարգարացար. // Երկու անուն էր Օհանես՝ // Քո հոր կապած լեզուն պացար. // Իրեք անուն ի Առաքյալ՝ // Առաքելոց քարոզացար. Քո չորս անուն ի Մարտիրոս՝ // Իսրայելի ազգ մարտիրոսցավ. // Քո հինգ անուն էր Մկրտիչ՝ // Մեռն լցիր մեջ քո ափից. // Մկրտեցիր Տերն արարիչ, // Մկրտարար սուրբ Կարապետ: // Քո վեց անուն ի Ավետիք՝ Տրժոխք Ատամա ավետիք տարար. // Քո յոթն անուն՝ սուրփ Կարապետ... (Ս. Հարությունյան, Հայ առասպելաբանություն, Բեյրութ, 2000, էջ 155):

⁹⁶ Տե՛ս Ե. Լալայեան, Վասպուրական. «Ազգագրական հանդէս», գիրք XX, էջ 176. Ե. Լալայեան, Մուշ-Տարսն. ԱՀ, գիրք XXVI, էջ 180-181. Վ. Պետոյան, Սասնա ազգագրությունը, էջ 278. Պատմություն հայ Կեսարիոյ. Տեղագրական, պատմական եւ ազգագրական ուսումնասիրություն Ա. Ալաօյաճեանէ, հ. Բ., էջ 1734:

դամ դառնալու, սոցիալական հարմարվողություն առաջին շրջանն են⁹⁷: Անունն ստանալով՝ նա դառնում է հասարակության անդամ եւ առանձնանում իբրեւ անհատ⁹⁸:

Նոր Բայազետում կնքահոր կողմից սանիկին արծաթե կամ ոսկե խաչ նվիրելը համարվում էր ուսուսական ազդեցություն⁹⁹:

Հայ ժողովրդական հեքիաթների տարածված մոտիվներից է աղքատի զավակին Գաբրիել հրեշտակի՝ կնքահայր դառնալը: «Ֆոքեառը» հեքիաթում¹⁰⁰ աղքատ մարդն ուզում էր գնալ Աստծուն գանգատ, որ իրեն զավակներ է պարգեւում, սակայն աղքատության պատճառով ոչ ոք չէր ցանկանում լինել նրանց կնքահայր, բացի այդ՝ քահանան էլ չէր մկրտում: Ի վերջո Գաբրիել հրեշտակն է նրանց կնքահայր դառնում եւ աղքատ մարդուն բժշկության շնորհ տալիս:

ԺԹ. դարավերջին հատկապես համշենահայերի համար կնքահայր լինելը այնքան ցանկալի ու նախանձելի իրողություն էր, որ «ամենքն են ուզում սանիկ ունենալ: Դա համշենցիների կարծիքով մեծ վարձք է: Մարդ անպատճառ գոնէ մի սանիկ պիտի ունենայ կնքած: Նրանց կարծիքով՝ ով որ իր կեանքում բոլորովին երեխայ չի կնքել, միւս կեանքում նրա գրկին մի շուն կը դնեն»¹⁰¹: Հայտնի է, որ շունը մահվան սարսափի անձնավորումն է¹⁰²:

Սանիկի տանը կնքահայրը հարգ ու պատիվ ուներ: Բաղեւում Աստծուց ներքեւ քավորն էր¹⁰³: Կնքահայրը, ինչպես հայտնի է, սանիկի երկրորդ ծնողն է եւ նրա հոգեւոր կյանքի պատասխանատուն¹⁰⁴, չնայած, օրինակ, Արճակում կնքահայրը կարող էր լինել նաեւ պատանի¹⁰⁵: Ղարադաղում եղել են դեպքեր, երբ հայերն իրենց երեխաների մկրտության քավոր են ընտրել թուրք ծանոթներին, իսկ թուրքերը մտերիմ հայերին «քերվա» են նշանակել իրենց երեխաների թլպատության ժամանակ¹⁰⁶:

⁹⁷ Տե՛ս Դ. Агапкина, Дар, дарить. «Славянские древности», т. 2, Москва, 1999, с. 20:

⁹⁸ Տե՛ս А. Ван Геннеп, նշվ. աշխ., с. 62:

⁹⁹ Տե՛ս Ե. Լալայեան, Նոր-Բայազետի գաւառ կամ Գեղարքունիք. ԱՀ, գիրք XVI, էջ 39:

¹⁰⁰ Տե՛ս ՀԺՀ, հ. VIII, Գուգարք (Լոռի), թ. 61, էջ 400-401:

¹⁰¹ Զ. Մուրադեանց, Համշենցի հայեր, ԱՀ, գիրք Ե., էջ 364:

¹⁰² Տե՛ս Ս. Հարությունյան, նշվ. աշխ., էջ 425:

¹⁰³ Տե՛ս Ռ. Նահապետյան, Աղձնիքահայերի մանկան ծննդի եւ խնամքի ավանդական սովորույթներն ու ծեսերը, էջ 98:

¹⁰⁴ Տե՛ս Զ. Վրդ. Բաղումյան, նշվ. աշխ., էջ 108-109:

¹⁰⁵ Տե՛ս ՀԱԲ, հ. 8, Արճակ, Ս. Ավագյան (Սերինե), էջ 73:

¹⁰⁶ Տե՛ս Հ. Հովսեփյան, Ղարադաղի հայերը, I, Ազգագրություն, էջ 341:

Իբրեւ սրբության դրսեւորում՝ սանամորն արգելված էր խոսել կնքահոր հետ, միայն տոների ժամանակ նրանք նվերներ էին միմյանց ուղարկում¹⁰⁷:

«Սուրբ ճքնավորն ու շուն քավորը» հեքիաթում¹⁰⁸ քավորը սանահոր մահից հետո կապվել էր նրա կնոջ հետ, եւ այդ անօրեն կապից երեխա էր ծնվել: Նրանք պատրաստվում էին երեխային խեղդել: Արդարամիտ թագավորը երեխայի լացը մեկնաբանում է հետեւյալ կերպ. «Էրեխեն լալում ա, ասում ա. «Հուր ա քո արթարութունը, թագավոր, ես ինչ մեղավոր եմ, որ ընձի տանում են սպանելու»¹⁰⁹: Նա քննում է քավորի հանցանքների թիվը. «Քավորը կանանչ մեռոնը ոտի տակ ա տվե, սանամոր խետ շնութուն ա արե, քիչ ա, հիմի էլ ուզում են էրեխին սպանեն»¹¹⁰: Եվ վճիռը լինում է քավորին կախաղան բարձրացնելը:

«Օսկերչու աշկերտ» հեքիաթում¹¹¹ արտահայտված է այն մտայնությունը, թե ապօրինի ծնունդը արժանի է մկրտության: Այստեղ թագավորը տեսնում է, որ երեխան լաց է լինում մոր գրկին, հարցնում է պատճառը: Աստծո հրամանով երեխան լեզու է առնում եւ պատմում, որ ինքը ապօրինի ծնունդ է: Մոր ամուսինը գնացել է պանդխտության: Մոր հետ սկսել է կենակցել նրա տեղրը. «Ես էն մեղքեն եմ ընծայի: Հ'էսօր լե վերցած են զիս, կրանեն ավազան, կրոտաւ, ճրվաւ, կասեւ ես արժանավոր չեւ էն ավազանի մեջ լողկրնաւ, մարդ անկաճ չէն: Իմ լացու պատճառն էդ է»¹¹²: Թագավորը հրամայում է երեխայի հորը պատժել, նոր միայն մկրտել նրան: Նույն պատկերացումներն են իշխում նաեւ «Դայաղի հեքիաթում»¹¹³. «Էտի բիճ ա, բճին ոչ կնքում են, ոչ էլ պարիվ են րալում»¹¹⁴:

Չնայած որ հայոց կանոնագրքերում չեն հանդիպում ապօրինածին երեխաների կնունքն արգելող կանոններ, սակայն բանահյուսության մեջ վկայված այս սակավադեպ օրինակներն ազգագրական տվյալներով եւս պետք է, որ գտնեն իրենց հաստատումը: Ի. դարասկզբին Նոր Բայազետում հղիության արհեստական ընդհատման դիմում էին ապօրինի կե-

¹⁰⁷ Տե՛ս Ե. Լալայեան, Նոր-Բայազետի գաւառ կամ Գեղարքունիք, ԱՀ, գիրք XVI, էջ 38. Ե. Լալայեան, Վասպուրական, ԱՀ, գիրք XX, էջ 175:

¹⁰⁸ ՀՀ ԳԱԱ հնագիտության եւ ազգագրության ինստիտուտի բանահյուսական արխիվ, Դիմաշեն գյուղի հեքիաթները, Գ. Ստեփանյանի ֆոնդ, FFXII:2034-2038:

¹⁰⁹ Անդ, թ. 2037:

¹¹⁰ Անդ, թ. 2038:

¹¹¹ Տե՛ս ՀԺՀ, հ. XIII, Տոբոլսերան (Մուշ-Տարոն), թ. 51, Երեւան, 1985, էջ 400-406:

¹¹² Անդ, էջ 405:

¹¹³ ՀՀ ԳԱԱ հնագիտության եւ ազգագրության ինստիտուտի բանահյուսական արխիվ, Գ. Ստեփանյանի ֆոնդ, FFXII:2275-2304:

¹¹⁴ Անդ, թ. 2281:

նակցությունից ծնվելիք երեխաների դեպքում, քանի որ հասարակությունը դատապարտում էր «ապօրինի կեցութիւնը եւ նոյնիսկ ապօրինի գաւակին»¹¹⁵ (ընդգծումը մերն է՝ Ք. Ա.):

Ըստ եկեղեցական կանոնակարգի¹¹⁶՝ արգելված էր կնքահոր ընտանիքի հետ խնամիության հաստատումը, իսկ ըստ ժողովրդական մտածողության՝ արգելքը վերաբերում էր մինչեւ յոթերորդ սերնդին¹¹⁷:

Կնքահոր եւ մյուսների նկատմամբ հայերի ունեցած ակնածանքն ու երկյուղածությունն են երեւան գալիս «Կնքահար ըլալը թանգ է¹¹⁸, անուն դնելը բան չէ», «Քաւորը փոխիլ, մեռոնը կոխիլ (արհամարհել)» ասացվածքներում¹¹⁹: Կնքահայրը սովորաբար տոհմական էր, նրան փոխում էին այն դեպքում, երբ նրա մկրտած երեխաները չէին ապրում, կամ աղջիկներ էին ծնվում¹²⁰: Մի քանի հարյուր տարի կարող էր ձգվել տոհմական քաւորությունը: Մոռում երգվելիս գործածվում էր «էն կուժ մէռոն վկայ էղնի» արտահայտութիւնը, այսինքն՝ այնքան մեռոն էին տուն բերել երեխաներին մկրտելով, որ կարող էին մի ամբողջ կուժ լցնել¹²¹: Երբ քաւորութիւնը փոխադարձ էր, քաւորին անվանում էին խաչ-քաւոր¹²²:

Հայ ժողովրդական հանելուկներում մյուսների համար համեմատության եզրեր են ընտրվել մրգերը.

Ախլաթու (Խլաթի) խնձոր Թավրիզուն մորիկ,
Ես հորեւ-մորեւ, դու նուան հաւրիկ¹²³:

Կամ՝ Լալախան խնձոր,
Նոնուան հաւրիկ,
Թավրիզու մորիկ¹²⁴:

¹¹⁵ Ե. Լալայեան, Նոր-Բայազետի գաւառ կամ Գեղարքունիք. «Ազգագրական հանդէս», գիրք XVI, էջ 32:

¹¹⁶ Տէն Ն. սրկ. Մելիք-Թանգյան, Հոգետր ազգակցութեան մասին մի քանի խօսք. «Արարատ», 1900, թ. Ժ., հոկտեմբեր, էջ 472:

¹¹⁷ Տէն Ռ. Նահապետյան, Քաւորը հայոց մեջ (ըստ աղծնիքահայերի ազգագրական տվյալների). ՊԲՀ, 2007, թ. 1, էջ 127:

¹¹⁸ Այսօր էլ, ինչպես անցյալում, կա այն մտայնությունը, որ կնքահայրը պետք է ունենար լինի՝ համապատասխան ծախսերը հոգալու համար:

¹¹⁹ Ա. Ղանալանյան, Առածանի, Երեւան, 1960, էջ 275:

¹²⁰ Տէն Ռ. Նահապետյան, Աղծնիքահայերի մանկան ծննդի եւ խնամքի ավանդական սովորություններն ու ծեսերը, էջ 90:

¹²¹ Տէն Ե. Լալայեան, Մուշ-Տարօն, ԱՀ, գիրք XXVI, էջ 180:

¹²² Տէն անդ:

¹²³ Ա. Հարությունյան, Հայ ժողովրդական հանելուկներ, Երեւան, 1965, էջ 195:

¹²⁴ Անդ:

Ըստ բանագետ Ս. Հարությունյանի՝ «նռան հատիկ» արտահայտությունը, հավանական է, շեշտվել է մյուռոնի անապակ մաքրությունը, իսկ «Ախլաթա խնձոր» արտահայտությունը՝ բուլբուլ¹²⁵: Ժողովրդական խոսքում առայսօր տարածված են «մեռոնի պես ընտիր» եւ «մեռոն-մատաղ» արտահայտությունները¹²⁶:

Կիլիկիայի հայերը մյուռոնի զորությունը անխոցելի եւ պաշտպանված զգալու համար հետեւյալ աղոթքն էին ասում, որը գրառվել է թուրքալեզու տարբերակով.

Եաթդըմ, Ալլահ, քաղդըր բէնի,
Սուրբ մէռոնա դաղդըր բէնի,

Պառկեմ, Ասրվաճ, պահպանիր ինձ,
Սուրբ միռոնում թաթախիր ինձ,

Գէճէ-գինդիզ դուսա էդերիմ,
Ջէնէթիմ գէօնդէր բէնի.
Եաթդըմ սաղ եանըմա,
Դէսնդըմ սոլ եանըմա,
Հրէշտակլար գէլէճէք,
Գինասիւրմը աֆ էդէճէք.
Ամէն:

Գիշեր-ցերեկ աղոթք կանեմ,
Որ դրախտդ ինձ ողարկես.
Պառկեցի աջ կողքիս,
Շրջվեցի ձախ կողքիս,
Հրէշտակները զալու են,
Իմ մեղքերը քալելու են:
Ամէն¹²⁷:

Իսկ մի ավանդազրույցի համաձայն՝ Զորավար Անդրանիկի անխոցելիությունը բացատրվում էր այն հանգամանքով, որ նրան մկրտության ջրի մեջ ընկզմել է Սուրբ Գեղորգը, որից հետո նրա մեջքին խաչ է դրոշմվել¹²⁸:

Մյուռոնը ոչ միայն զորավոր է, այլեւ զիվահալած: Հայկական ժողովրդական էպոսի պատումներից մեկում¹²⁹ Ձենով Հովանը Մարութա վանքի կառուցման մասին ասում է. «Տավիթ ջան, մենք ես քսան տարի ի կը շինենք, դեվեր կը քանդեն, մենք ել ծեռ քաշիր ենք, ել չենք շինեք»: Դավիթը ողջ ժողովրդին հավաքում է, մի օրում կառուցում-վերջացնում

¹²⁵ Տե՛ս անդ, էջ 314:

¹²⁶ Տե՛ս Պ. Բեդիրյան, Հայերեն դարձվածքների ընդարձակ բացատրական բառարան, Երեւան, 2011, էջ 943:

¹²⁷ Վ. Սվազլյան, Կիլիկիա. Արեւմտահայոց բանավոր ավանդությունը, Երեւան, 1994, էջ 249:

¹²⁸ Տե՛ս Ա. Ղանալանյան, Ավանդապատում, № 767 Ա, Երեւան, 1969, էջ 298:

¹²⁹ «Սասունա Տավիթ», պատմեց բաշկալեցի Վարդան Վարդանյան, գրի առավ Ա. Ղանալանյան 1936 թ.. «Սասնա ծոեր», հ. Բ., մասն Բ., խմբագրեց Մ. Աբեղյան, Յերեւան, 1951, էջ 631-632:

են: «Քառսուն տերտեր, քառսուն վարտապետ, քառսուն սարկավաք, քառսուն տիրացի» պատարագ են անում եւ օծում սեղանը:

Դավիթը գիշերը մնում է վանքում, որ դեւերի գալուն պես կոտորի նրանց: Հորեղբայրը հանգստացնում է նրան.

- Տալիթ ջան, են վոր քառսուն վարտապետ, քառսուն տերտեր, քառսուն սարկավաք, քառսուն տիրացի մի շուշա մնոոն թափին մեր վանքի սեղանի վրեն, ոճին, պարարաք արին, դեվեր փախան, ել դեվեր չեն իկա ըստեղ¹³⁰:

Նույնատիպ ավանդություն է կապված Անձեւացյաց գավառի Հոգոց վանքի հետ, որի շինարարությունը նույնպես դեւերը խոչընդոտում էին: Աստվածամայրը երեւում է վարպետ-շինարարներին եւ ասում, որ անհրաժեշտ է մեկ օրում կառուցել վանքը եւ օծել¹³¹:

«Սասնա ծռերում» հանդիպում է թոնրի վրա մկրտելու օրինակ, սակայն այդ քայլին հերոսները գնում են Կռապաշտ թագավորի երկրում գտնվելու հարկից ելնելով: Խաչապաշտ թագավորը վարդապետին կնոջ շորեր է հագցնում, աղջկա հետ ուղարկում, որ երեխա ունենալիս վարդապետը կնքի թոնրի վրա:

Իննր ամիս վոր թամամից,
Ասրվածութուն Խաչապաշտ թագավորի աղջկան
Երկու տղա տվից.
Վարդապետ թոնորան վրա կնքից¹³²:

Մի այլ պատումում թեպետ թոնրի վրա կնքելու պահը բացակայում է, սակայն Սինամ թագավորը աղջկա հետ քահանային է ուղեւորում, քանի որ աղջիկը հայտարարում է.

- Թակավոր, առանց մնոոն չեղնի:
Զդերդեր գընդից, տրից հըդ ըր ախճաւն¹³³:

¹³⁰ Անդ, էջ 632:

¹³¹ Տեն Ա. Ղանալանյան, Ավանդապատում, թ. 666, էջ 246-247:

¹³² «Սանասար եւ Բաղդասար», պատմեց մի մոկացի, գրի առավ Գարեգին Հովսեփյան. «Սասնա ծռեր», հ. Ա., խմբագրեց Մ. Աբեղյան, Յերեվան, 1936, էջ 129:

¹³³ «Սասնա տուն», պատմեց սասունցի Թամո Դավթյան, գրի առավ Կարապետ Մելիք Ռիանջանյան 1932 թ.. «Սասնա ծռեր», հ. Բ., առաջին մաս, խմբագրեց Մ. Աբեղյան, Յերեվան, 1944, էջ 159-160:

Երբ ծնվում են Սանասարն ու Պաղտասարը, «դերդեր զուրանք գըն-քից»¹³⁴:

Դվինի երկրորդ եկեղեցական ժողովի եւ Ներսես կաթողիկոսի կա-նոններով արգելվում էր տանը մկրտություն անել, եթե մահվան վտանգ չկա¹³⁵, սակայն մինչեւ Ի. դարասկիզբ, ինչպես փաստում են ազգագ-րական տեղեկությունները, երբեմն մկրտություն էին անում նաեւ տա-նը՝ թոնրի մոտ¹³⁶: Դա հատկապես անում էին մահամերձ նորածիններին մկրտելիս¹³⁷՝ կամ եկեղեցի չլինելու կամ հեռու գտնվելու պատճառով¹³⁸: Համշենցիները երեխայի մկրտությունը կատարում էին եկեղեցում, իրենց տանը կամ քահանայի տանը¹³⁹: Մուշ-Տարոնում սգավորներն էին մկրտու-թյունն անում տանը¹⁴⁰: Ղզլարում կնուկները կատարվում էր եկեղեցում, լինում էր նաեւ երեխայի տանը, հատկապես այդ զիջումն արվում էր ունեւոր ծխականներին¹⁴¹: Նոր Նախիջևանի գյուղերում հազվադեպ, բայց քաղաքում հաճախակի էին «շարժական ավազան» գործածում, առավելաբար ցուրտ եղանակի դեպքում քահանաները մկրտություն անում էին տանը¹⁴²:

¹³⁴ Անդ, էջ 160:

¹³⁵ «... Ի տունս շինականացն քահանայք մկրտութիւն մի իշխեսցեն անել, բայց վասն երկիւղի մահու թէ վտանգ ինչ իցէ» (Կանոնք Ներսէսի կաթողիկոսի եւ Ներշապիոյ Ամ-միկոնէից եպիսկոպոսի. «Կանոնագիրք հայոց», Ա., աշխատասիրությամբ Վ. Հակոբ-յանի, Երեւան, 1964, էջ 485, ինչպես նաեւ՝ Դվինի Բ. ժողով, 555 թ., ԺԵ. կանոն. Ն. վրդ. Մելիք-Թանգյան, Հայոց եկեղեցական իրավունքը, Ս. Էջմիածին, 2011, էջ 310): Մկրտությունը հրահանգում էր պարտադիր եկեղեցում կատարել նաեւ Գեորգ Դ. կաթո-ղիկոսն իր կոնդակում. «Ասագ քահանային պարտ է ի միտ դնել, զի փութով ի միջոցի ուրն ատուր անխափան մկրտեսցին մանկունք նորածինք, եւ մկրտութիւնն անշուշտ կա-տարեսցի յեկեղեցուց, առ ընթեր ունելով իւրեանց ի պաշտամանն զսարկաւազունս եւ զդպիրս» (Ն. վրդ. Մելիք-Թանգյան, Հայոց եկեղեցական իրավունքը, Ս. Էջմիածին, 2011, էջ 526):

¹³⁶ Թոնիրը համարվում էր սուրբ եւ եկեղեցուն հավասար («Սասնա ծռեր», հ. Բ., մաս Բ., խմբագրեց Մ. Աբեղյան, Յերեւան, 1951, էջ 841): Այն, կարելի է ասել, «տան մատուռն էր» (Ա. Ահարոնեան, Հայկական հին հաւատալիքները, «Հայրենիք», 1940, թ. 5, էջ 51-57): Հայտնի է, որ թոնրի շուրջը նաեւ պսակ էր արվում:

¹³⁷ Տե՛ս Ռ. Նահապետյան, Աղձնիքահայերի մանկան ծննդի եւ խնամքի ավանդական սովորույթներն ու ծեսերը, էջ 92. Նույնի՝ Քավորը հայոց մեջ (ըստ աղձնիքահայերի ազգագրական տվյալների). ՊԲՀ, 2007, 1, էջ 127-128:

¹³⁸ Տե՛ս Ե. Լալայեան, Վասպուրական. Հաւատք, ԱՀ, գիրք XXV, Թիֆլիս, 1913, էջ 51:

¹³⁹ Տե՛ս Յ. Մուրադեան, Համշենցի հայեր, ԱՀ, գիրք Ե., էջ 364:

¹⁴⁰ Տե՛ս Ե. Լալայեան, Մուշ-Տարոն, ԱՀ, գիրք XXVI, էջ 180:

¹⁴¹ Տե՛ս ՀԱԲ, հ. 10, Ղզլար, Գ. Գեորգյան, էջ 52-53:

¹⁴² Տե՛ս Ե. Շահագիզ, Նոր-Նախիջևանը եւ Նոր-Նախիջևանցիք, ԱՀ, VII եւ VIII գրքեր, էջ 98:

Մկրտությունն առաջնահերթ փրկագործ նշանակություն ունեւր: Հայ ժողովրդական աղոթքներէց մեկում մեղավոր մարդն ինքն իրեն մխիթարում է նրանով, որ կնքված է.

*Գլուխս բարձի րրի,
Հոգիս էմննեթ րվի.
Հոգիս, չվախենաս՝
Մեռնամ իս, կնքած իս,
Սուրբ ավազան մկրտած իս¹⁴³...*

Իսկ մեկ այլ աղոթքում «Դատաստանի» ժամանակ Աստվածամայրը մեղավորների փրկութեան համար բարեխոսում է իր որդուն՝ ապավինելով նաեւ մկրտութեան ավազանին:

*Ասաց. – Տէր, մի տանիր մեղավորս մեղաց,
Քու յավազան ա մկրտած,
Քու իսաշին ա դիպուցած¹⁴⁴:*

Հայ ժողովրդական պատկերացումների համաձայն՝ մարդուն երկու հրեշտակ է տրվում, մեկը՝ ծննդյան պահին, մյուսը՝ մկրտութեան, հետեւաբար մահմեղականները միայն մեկ հրեշտակ ունեն¹⁴⁵: Կար նաեւ այն հավատալիքը, որ երբ թուրքերն ու քրդերը լողանում են, ջուրը նրանց վրա «պտուղ-պտուղ (կաթիլ-կաթիլ) չի կանգնում»՝ մեռնելով կնքված եւ քրիստոնյա չլինելու պատճառով¹⁴⁶:

Բանահյուսական տարբեր նմուշներում երեւում է, որ հայերի այլակրոն հարեւաններն իրենք էլ զգացել եւ գիտակցել են մկրտութեան կենսականությունը: Լուռուց գրառված «Աստված ողորմած ա» հեքիաթում¹⁴⁷ հրեան, տեսնելով հայի հավատի եւ Աստծո զորությունը, «մկրտվում,

¹⁴³ Հայ հմայական եւ ժողովրդական աղոթքներ, աշխատությամբ՝ Ս. Հարությունյանի, Երեւան, 2006, էջ 176:

¹⁴⁴ Անդ, էջ 114:

¹⁴⁵ Տե՛ս «Հայ-ժողովրդական հեքիաթներ», ժողովածու Տ. Նաւասարդեանց, յօթներորդ գիրք, Թիֆլիս, էջ 25. Մ. Արեղյան, Երկեր, հ. Է., Երեւան, 1975, էջ 22:

¹⁴⁶ Տե՛ս ԷԱԺ, հ. Ա., Փշրանք Շիրակի ամբարներից, էջ 202:

¹⁴⁷ Տե՛ս անդ, թ. 7, էջ 62-64:

դառնում ա հայ»¹⁴⁸: Սուլյն հեքիաթում հավասարարժեք են դարձել էթ-նիկական ինքնությունն ու մկրտությունը¹⁴⁹:

Մոկսից գրառված «Շահբազ Մելիք» հեքիաթում¹⁵⁰ փաստարկվում է մկրտության առավելությունը: Այստեղ կնույնքի ժամանակ մարդու ստացած շնորհները կարծես նյութականանում են: Քուրդ աղջիկը տեսնում է՝ ինչպես հայ տղայի բերանից քնած ժամանակ լույսի շող է ելնում՝ մտնում: Հայ տղան՝ Աղավանը, բացատրում է, որ դա մյուռուների շնորհն է, իսկ քրդերը «անմեռուն» են: Երբ քուրդ աղջիկը՝ Փարիշանը, մկրտվում է, նրա բերանից եւս այդպիսի լույսի շող է ելնում: Այստեղ նույնպես կնքվելը քրդուհու համար հավասարազոր է դառնում հայանալու հետ. «Իմ ախպոր տղիին պիտի ըսպանեն, օր քյըրտու ախչիկ խայացուցն, պիտի առնի»¹⁵¹: Շահի եղբայրն ասում է, որ դա «գյեշ պան ա»¹⁵²:

Շահը կանչել-բերել է տալիս երկու վարդապետ, երկու քահանա, որ գետի մեջ պսակեն Աղավանին ու Փարիշանին: Եթե գետի ջուրը կանգ առնի, նրանք ազատ են, եթե ոչ՝ նրանց եւ եկեղեցականների վիզը կտրել կտա: Վերջիններս, սարսափահար եղած, Աստված են կանչում. «Մե ազատես էսա գազանի ծեռեն»: Երեւան է գալիս քրիստոնեական կրոնի գերազանցությունը: Աստծու հրամանով ջուրը կանգ է առնում պսակադրության ընթացքում (հմտ. Ս. Գրիգոր Լուսավորչի կողմից Եփրատի մեջ ժողովրդի մկրտվելու հետ)¹⁵³: Շահը նրանց ազատ է արձակում, իսկ աղջկա հայրը ընտանիքով որոշում է «տառնալ խայ»¹⁵⁴:

Գետի հոսքի կանգ առնելը¹⁵⁵, ետ դառնալն ու լույսի ի հայտ գալը հանդիպում են հայ պատմիչների երկերում՝ Պետրոս Գետադարձ Կաթողիկոսի աղոթքով եւ հայ եկեղեցական ծիսակարգով կատարված ջրօրհնների ժամանակ: «Եւ յաղօթել հայրապետին Պետրոսի դարձաւ ջուր գետոյն ի վեր, եւ լոյս սաստիկ ծագեաց, որ նուաղեցուցանէր զճառագայթս արե-

¹⁴⁸ Անդ, էջ 64:

¹⁴⁹ Տե՛ս Ե. Զաքարյան, Կրոնը եւ կրոնավորները հայ ժողովրդական հեքիաթներում: Սույն հոդվածի տրամադրման համար շնորհակալություն ենք հայտնում հեղինակին:

¹⁵⁰ Տե՛ս ՀԺՀ, հ. XVII, Մոկս, թ. 7, Երեւան, 2012, էջ 75-86:

¹⁵¹ Անդ, էջ 81:

¹⁵² Անդ, էջ 84:

¹⁵³ «Եւ իբրեւ իջանէին մարդիկն ամենայն եւ թագաւորն ի մկրտութիւն անդր, ի ջուրսն Եփրատ գետոյն՝ նշան սքանչելի երեւեալ յԱստուծոյ. զի զետղ առեալ ջուրք գետոյն՝ անդրէն դարձան ընդ կրօնակն» («Ազաթանգեղայ Պատմութիւն Հայոց», Երեւան, 1983, էջ 464):

¹⁵⁴ ՀԺՀ, հ. XVII, Մոկս, թ. 7, էջ 85-86:

¹⁵⁵ Առհասարակ այն հավատալիքը կար, որ Զրօրհնքին ջրերը մի քանի վայրկյան կանգ են առնում, քանի որ Քրիստոսի մկրտության ժամանակ եւս Հորդանանը կանգ է առել (տե՛ս «Նախապաշարմունք», հ. Ա., աշխատասիրեց Յ. Նազարեանց, էջ 76):

գական»¹⁵⁶: Արիստակես Լաստիվերցի պատմիչն ավելացնում է մյուռուռնի հեղման պարագան. «Եւ ի հեղուլ հայրապետին զտէրունական իւղն ի ջուրսն, ցնցուղս լուսոյ ճառագայթից յանկարծակի ծագեաց ի ջուրցն»¹⁵⁷:

Ավանդությունը մյուռուռնի հետ է կապում Գանձակում գտնվող Մուռու կամ Մեռուռու մատուռի անվան ստուգաբանությունը, ըստ որի՝ Մեսրոպ Մաշտոցի կողմից խաչը օծվում է Սրբալույս մյուռուռնով եւ տեղադրվում ժողովրդի պաշտամունքի համար¹⁵⁸:

Դեռեւս ի. դարասկզբին նորնախիջեանցիները ուխտի էին գնում Ս. Էջմիածին՝ մյուռուռնօրհնքի արարողությանը ներկա գտնվելու, մյուռուռնի կաթսան համբուրելու եւ իրենց աչքով տեսնելու «Ս. մեռուռնի եփ եկածը»¹⁵⁹:

Մյուռուռնի նկատմամբ երկյուղն այնքան մեծ էր, որ Վասպուրականում, երբ մկրտված երեխային քահանան եւ քավորը եկեղեցուց բերում էին տուն, ծննդկանը, ի պատիվ մյուռուռնի, տեղից վեր էր կենում ու նորից նստում¹⁶⁰: Մյուռուռնից հանելուց հետո Արճակում մյուռուռնաջուրը լցնում էին տան կտուրը, որպեսզի այն չկոխկրտվի¹⁶¹: Վասպուրականում եւ Նոր Բայազետում մյուռուռնաջուրն աշխատում էին պահել, որպեսզի երբ մկները կամ շները պղծեն կաթսաներն ու ամանները, նրանով կամ նրանով չաղախված հողով լվանային դրանք¹⁶²:

Մյուռուռնից հանելիս աղջիկներին ավելի ուշ էին լողացնում, որ պարկեշտ եւ ամաչկոտ լինեն, մյուռուռնը երեսներին երկար մնա: Հետաքրքրական է, որ աղջիկներին չորս-հինգ, նաեւ յոթ օր¹⁶³ պահում էին մյուռուռնի մեջ, իսկ տղաներին՝ երեք օր¹⁶⁴: Ազատ պահվածքի աղջկա համար ասվում է, որ այնքան է համբուրվել՝ «երեսի մեռուռնը լուծվել, գնացել է»¹⁶⁵: Պատահական չէ, որ հայերենի տարբեր բարբառներում «անմեռոն» բառը նշանակում է «անամոթ»: Եվ հակառակը, անչափ համեստ եւ ամոթխած

¹⁵⁶ Կիրակոս Գանձակեցի, Պատմություն հայոց, աշխատասիրությամբ՝ Կ. Մելիք-Օհանջանյանի, Երեւան, 1961, էջ 94-95:

¹⁵⁷ «Պատմություն Արիստակեսայ վարդապետի Լաստիվերտցոյ», Թիֆլիս, 1912, էջ 16-17:

¹⁵⁸ Տեն Ա. Ղանալայան, Ավանդապատում, թ. 633, էջ 235:

¹⁵⁹ Տեն Ե. Շահագիզ, Նոր-Նախիջեանը եւ Նոր-Նախիջեանցիք, ԱՀ, IX գիրք, Թիֆլիս, 1902, էջ 32:

¹⁶⁰ Տեն Ե. Լալայեան, Վասպուրական, ԱՀ, գիրք XX, էջ 175-176:

¹⁶¹ Տեն ՀԱԲ, հ. 8, Արճակ, Ս. Ավագյան (Սերին), էջ 73:

¹⁶² Տեն Ե. Լալայեան, Վասպուրական, ԱՀ, գիրք XX, էջ 176. Ե. Լալայեան, Նոր-Բայազետի գաւառ կամ Գեղարքունիք, ԱՀ, գիրք XVI, էջ 40:

¹⁶³ Տեն Վ. Դերիկյան, Սրբալույս մյուռուռնի ժողովրդական պաշտամունքը. «Սրբալույս մյուռուռն», Ս. Էջմիածին, 2001, էջ 51:

¹⁶⁴ Տեն Ե. Լալայեան, Մուշ-Տարօն, ԱՀ, գիրք XXVI, էջ 181:

¹⁶⁵ Վ. Դերիկյան, նշվ. աշխ., էջ 51:

մարդու համար ասում են, որ «երեսից մեռն է կաթում»¹⁶⁶, կամ՝ «բերնի մեջ մեռն կեփի»¹⁶⁷: Նոր Բայազետում մինչեւ մյուռոնից հանելը երեսային չէին լողացնում եւ նույն շորի մեջ էին պահում, «որպէսզի մեռնը քաշայ ջան, ցած չգայ, թէ չէ անմեռն (անպատկառ) կը լինի»¹⁶⁸: Վասպուրականից գրառված «Ջիբրաել-Խրդըր Նաբին» հեքիաթում¹⁶⁹ տղան ու աղջիկն այնքան են համբուրվում, «որ էլ մեռն չի մնա իրիսներ»¹⁷⁰:

Չմկրտված երեսներին թաղում էին գերեզմանոցից յոթ քայլ հեռու¹⁷¹ եւ առանց արարողության¹⁷², որեւէ աղոթք չէր արվում եւ անգամ գաղտնի էր կատարվում թաղումը¹⁷³: Ղարադաղում անկնունք մահացած երեսային արգելված էր եկեղեցական օրենքով թաղել համայնքի գերեզմանոցում¹⁷⁴, քանի որ նա համարվում էր «հարամ, ոչ հայ»: Նման դեպքերից խոսափելու համար ծնողները շտապում էին հիվանդ երեսաներին «մեռնաջրել»¹⁷⁵:

Ազգագրագետ Ռ. Նահապետյանի հաղորդմամբ՝ անկնունք մահացած երեսայի ծնողները բարեգործություն էին անում, որպեսզի երեսան դժոխք չընկնէր¹⁷⁶: Նույնիսկ մարդիկ որոշակի քայլեր էին ձեռնարկում, որպեսզի երեսան կնքված համարվէր¹⁷⁷: Վասպուրականում խաչ էին օծել տալիս քահանային, բոլոր տանեցիները համբուրում էին այն, դնում մեռած երեսայի կրծքին, պատանքում, հանձնում ժամկոչին, որ տանի եւ գերեզմանատանը թաղի¹⁷⁸: Մեռած ծնված երեսայի համար ծնողները խաչ էին օրհնել տալիս, բամբակի մեջ երեք օր պահում, հետո տանում եկեղեցի, կախում մի սրբապատկերից, իբրեւ երեսային նվիրել էին այդ սրբին: Երեսայի դիակը, դեմքը դեպի արեւելք, տատմայրը թաղում էր

¹⁶⁶ Պ. Բեդիրյան, նշվ. աշխ., էջ 943:

¹⁶⁷ Անդ:

¹⁶⁸ Ե. Լալայեան, Նոր-Բայազետի գաւառ կամ Գեղարքունիք, ԱՀ, գիրք XVI, էջ 40:

¹⁶⁹ Տէն ՀԺՀ, հ. XIV, Վան-Վասպուրական, թ. 1, Երեւան, 1999, էջ 13-39:

¹⁷⁰ Անդ, էջ 29:

¹⁷¹ Տէն Ռ. Նահապետյան, նշվ. աշխ., էջ 99:

¹⁷² Տէն ՀԱԲ, հ. 10, Ղզլար, Գ. Գետրոյան, էջ 52-53:

¹⁷³ Տէն Վ. Պետոյան, նշվ. աշխ., էջ 276:

¹⁷⁴ Սլավոնական մշակույթում եւ չմկրտվածներն արժանանում էին գերեզմանից դուրս թաղվելու (տես Գ. Кабакова, Дети некрещенные. «Славянские древности», этнолингвистический словарь, т. 2, с. 86):

¹⁷⁵ Տէն Հ. Հովսեփյան, Ղարադաղի հայերը, I, Ազգագրություն, էջ 341:

¹⁷⁶ Տէն Ռ. Նահապետյան, նշվ. աշխ., էջ 100. Գ. Հակոբյան, Ներքին Բասենի ազգագրությունը եւ բանահյուսությունը, Երեւան, 1974, էջ 193:

¹⁷⁷ Սլավոնները, օրինակ, գերեզմանում դնում էին մոմ, խաչ (տես Գ. Кабакова, Дети некрещенные, «Славянские древности», с. 86):

¹⁷⁸ Տէն Ե. Լալայեան, Վասպուրական, ԱՀ, գիրք XX, էջ 177:

այգում¹⁷⁹: Մուշում քահանային դրամ էին տալիս, նա եկեղեցու պատին՝ ներսի կողմից, խաչ էր կերտում եւ օծում կամ մի պղնձյա խաչ օծում էր, Ավետարանին կամ սրբապատկերներին կապում կամ էլ դնում մկրտութեան ավազանի պատուհանին՝ այդպիսով ցանկանալով ասել, որ երեխան նվիրված է եկեղեցուն կամ որեւէ սրբի¹⁸⁰: Եթե մերձիմահ երեխան մահանար կնունքի պահին, նա եւ նրա ծնողները կարժանանային դրախտի¹⁸¹:

Այսպիսով՝ բանահյուսական եւ ազգագրական օրինակներից երեւում է, որ հայկական միջավայրերում մկրտութեանը մեծ կարեւորություն էր տրվում: Այն երեխայի հետծննդյան քառասունօրյա անցումային շրջանի անբաժան մասն էր: Մկրտությունն ու մյուսոնն ունեին փրկագործ, մեղսաքավիչ, նվիրագործող, դիվահալած եւ ապաքինող նշանակություն: Լվացվելով մկրտութեան ավազանի ջրում՝ նորածին երեխան երկրորդ անգամ ծնվում էր նոր կարգավիճակով: Նրան միաժամանակ նաեւ անվանադրում էին, որով նա ե՛ւ դառնում էր հասարակության լիիրավ անդամ, ե՛ւ զանազանվում իբրեւ անհատ:

РЕЗЮМЕ

Данная статья посвящена ритуалу крещения армян, во время которой отображались разные народные традиции и верования. Крещение составляло неразрывную часть послеродового сорокодневного срока. Обычно армяне крестили своих детей на восьмой (третий) день после рождения, в церкви или дома, в зависимости от обстоятельств (болезнь, траур, отсутствие или расстояние церкви). Крещение и миро имели спасительное, искупительное, инициационное, экзорцистическое и исцеляющее значение. Умываясь в купеле крещения, ребенок перерождался новым статусом. Еще во время крещения младенец получал имя, по которому он/она становился/лась членом общества и отделялся/лась как индивидум.

¹⁷⁹ Տե՛ս անդ:

¹⁸⁰ Տե՛ս Ե. Լավայեան, Մուշ-Տարօն, ԱՀ, գիրք XXVI, էջ 181:

¹⁸¹ Տե՛ս Ռ. Նահապետյան, նշն. Աշխ., էջ 100:

SUMMARY

This article is devoted to the ritual of the Baptism among Armenians, during which various traditions and beliefs of Armenians were expressed. The Baptism is the inseparable part of forty-day period after childbirth. The Armenians usually baptize their children on the eighth (third) day after the birth in the church or at home, dependent on circumstances (illnesses, mourning, absence and distance of the church). The Baptism and chrism had a life-saving, initiation, medicinal significance and gave absolution. Being washing in the font, the new-born came to life for the second time and with the new status. During Baptism the child was named and through which he/she became the member of the society to be distinguished as a person.

